



Broj: JN06-16-4-210-13/21  
Datum: 08.12.2021. godine

Na osnovu člana 100. stav (1) i (3). Zakona o javnim nabavama Bosne i Hercegovine, («Službeni glasnik BiH» broj 39/14) (u daljem tekstu: Zakon), Ugovorni organ Zavod za izvršenje kaznenih sankcija, pritvora i drugih mjera Bosne i Hercegovine postupajući po žalbi ponuđača „Vizion“ d.o.o. Rogatica na tendersku dokumentaciju br. JN06-16-4-210/21 od 02.12.2021., broj Obavijesti o nabavi : 24650-1-1-226-3-91/21 od 02.02.2021. godine, donosi ;

### RJEŠENJE

1. Žalba ponuđača „Vizion“ doo Rogatica, izjavljena na tendersku dokumentaciju br.JN06-16-4-210/21 od 02.12.2021., broj Obavijesti o nabavi : 24650-1-1-226-3-91/21 od 02.02.2021. godine, **usvaja se u cjelosti kao osnovana.**
2. Ugovorni organ u cjelosti poništava kompletan postupak javne nabave svježeg telećeg, junećeg i jagnječeg mesa.

### OBRAZLOŽENJE

Zavod za izvršenje kaznenih sankcija, pritvora i drugih mjera BiH, je pokrenuo postupak nabave svježeg telećeg, junećeg i jagnječeg mesa Odlukom broj : JN06-16-4-210/21 od 01.12.2021. Javna nabava je pokrenuta putem Otvorenog postupka a procijenjena vrijednost predmetne nabave je 212.000, 00 KM bez PDV-a. Ponuđač „Vizion“ doo Rogatica, izjavio je žalbu na tendersku dokumentaciju br.JN06-16-4-210/21 od 02.12.2021., broj Obavijesti o nabavi : 24650-1-1-226-3-91/21 od 02.02.2021. godine  
Žalitelj je podnio žalbu zbog povrede odredaba Zakona o javnim nabavama BiH.

Ugovorni organ je dana 07.12.2021.godine zaprimio žalbu na tendersku dokumentaciju br. br.JN06-16-4-210/21 od 02.12.2021., broj Obavijesti o nabavi : 24650-1-1-226-3-91/21 od 02.02.2021. godine.

Obzirom na sve gore navedeno žalitelj predlaže da Ugovorni organ izvrši provjeru žalbenih navoda te da usvoji žalbu i izmjeni tendersku .

Prije no što se upustio u meritorno odlučivanje, Ugovorni organ je pristupio provjeri formalnih pretpostavki za ulaganje žalbe, koje moraju biti ispunjene, kako bi se uopće pristupilo rješavanju iste, a odnose se na uvjetovane pretpostavke propisane odredbama člana 100. stav (1). Zakona, te je utvrdio da je žalba blagovremena, dopuštena i izjavljena u skladu sa pomenutim odredbama Zakona.

Po prijemu pismene žalbe podnosioca, Ugovorni organ je obustavio postupak nabave na period od 5 (pet) dana.

Podnositelj žalbe u istoj navodi da predmetna tenderska dokumentacija nije pripremljena u skladu sa Zakonom o javnim nabavama BiH, te iz toga navodi sljedeći žalbeni navod :

Žalbu izjavljuje u dijelu tenderske dokumentacije točka 13.2.9. a koja se odnosi na traženje Ugovornog organi da ponuđači moraju dostaviti HALAL certifikat. Ponuđač dalje smatra da se time narušava princip konkurentnosti i nediskriminacije ponuđača na one koji posjeduju Halal certifikat u odnosu na one koji isti ne posjeduju. Dalje navodi da nisu svi krajnji korisnici islamske vjeroispovijesti te da se cjelokupno potrebna količina treba radvojiti na onu za koju je potrebno dostaviti Halal certifikat i na količinu za koju nije potrebno dostaviti Halal certifikat.

Provjerom navoda žalitelja Ugovorni organ je dana 08.12.2021. godine utvrdio da je žalbeni navod žalitelja osnovan, te se isti usvaja u cjelosti. Ugovorni organ će ponišiti Odluku o pokretanju postupka nabave svježeg telećeg, junećeg i jagnječeg mesa br.JN06-16-4-210/21 od 01.12.2021 kao i tendersku dokumentaciju br. br.JN06-16-4-210/21 od 02.12.2021. godine.

Imajući u vidu gore navedeno, a u skladu sa članom 100. stav 3. Zakona o javnim nabavama BiH Ugovorni organ je konstatirao da je žalba ponuđača „Vizion“d.o.o. Rogatica blagovremena, dopuštena i izjavljena od ovlaštenog lica i da je u cjelosti osnovana te u skladu sa navedenim Ugovorni organ donosi Rješenje kao u dispozitivu.

#### **POUKA O PRAVNOM LIJEKU:**

Na osnovu člana 100. stav (4) Zakona o javnim nabavama Bosne i Hercegovine («Službeni glasnik BiH» broj 39/14), protiv ovog Rješenja može se izjaviti žalba Uredu za razmatranje žalbi Bosne i Hercegovine, putem Ugovornog organa, u roku od 5 (pet) dana od dana prijema Rješenja.



Upravitelj Zavoda

Siniša Perković

Dostaviti:

- Komisija za javne nabavke
- Službi za opće, pravne i materijalno-financijske poslove
- Svim učesnicima u postupku javne nabavke,
- U spis.